



(Valdecalzada, Extremadura, 1986)

*Llicenciáu en Filoloxía Clásica pola UEx, anguaño ye profesor de Secundaria de llatín y griegu. Investigador, gramático y traductor, dirixe l'Órganu de Siguiemientu y Coordinación del Estremeñu y la so Cultura (OSCEC), escribiendo dacuando na variedá extremeña del asturleonés, como na so columna n'el Periódico Extremadura.*

## ODA AL SISTEMA

Me reselvu el derechu  
a no aprendel ingrés,  
a no atrangullal los mis ojus  
bala, puñu, insultu, fachenda  
de pantalla nenguna.

Ahuyu delas propagandas,  
dela retórica del dola,  
del humu dela economía  
i de gobiernas malas  
que se moflan de mí  
mañana, tardi i nochi.

Ná m'importa delos millonis  
de trampas que no hizi,  
de pagus, prīmas, débitus,  
ni empréstamis. Por mí,  
ya puein hazel gaspachu  
i añusgal-si con ellus.

Despreciu el valol dela corrucción:  
tolos días s'aboheta la carni  
i llena de cocus se tira,  
Pui, qué me quereis: ombri o mosca?

Me hiedi el levantiju  
que derrota sin entangal  
i que de continu grullean  
los baraterus con venceju.

En emissoras de tolas nacionis  
vazinan i monean  
con el pran d'ellus i ellus  
de çaleal tolo que los sustieni.

Envarbascan las huentis,  
las senaras las envenenan,  
hazin candelas conos librus,  
no ai quien ponga bilmas al pechu.  
—Tó es tan insanu que moril  
da salú al cuerpu i florencia al'alma—  
quierin que assín pensemus  
pa repapuceal-si agustamenti.

No m'engardillan essus solitarius,  
tovía quea lus en el candil  
p'alumbral polas escuranas  
sin perdel la verea.

